

草木典第一百六十八卷

鼠麴部彙考

釋名

鼠麴 別錄

鼠耳 別錄

香茅 拾遺

黃蒿 會編

米麴 綱目

佛耳草 法象

無心草 綱目

毛耳朶 綱目

茸母 綱目

鼠麴圖

博物彙編草木典第一百六十八卷鼠麴部彙考之一



本草綱目 鼠麴草釋名

李時珍曰麴言其花黃如麴色又可和米粉食也鼠耳言其葉形如鼠耳又有白毛蒙茸似之故北人呼爲茸母佛耳則鼠耳之訛也今淮人呼爲毛耳朶則香茅之茅似當作毛按段成式雜俎云蚍蜉酒草鼠耳也一名無心草豈蚍蜉食此故有是名耶

集解

別錄曰鼠耳一名無心生田中下地厚葉肥莖 陳藏器曰鼠麴草生平岡熟地高尺餘葉有白毛黃花荆楚歲時記云三月三日取鼠麴汁蜜和爲粉謂之龍舌料以壓時氣粹音板米餅也山南人呼爲香茅取花雜樺皮染褐至破猶鮮江西人呼爲鼠耳草也 汪機曰佛耳草微人謂之黃

蒿二三月苗長尺許葉似馬齒莧而細有微白毛花黃土人采莖葉和米粉搗作糕果食 李時

珍曰日華本草鼠麴卽別錄鼠耳也唐宋諸家不知乃退鼠耳入有名未用中李杲藥類法象用佛耳草亦不知其卽鼠耳也原野間甚多二月生苗莖葉柔輭葉長寸許白茸如鼠耳之毛開小黃花成穗結細子楚人呼爲米麴北人呼爲茸母故邵桂子饗天語云北方寒食采茸母草和粉食宋徽

宗詩茸母初生認禁烟者是也

氣味

甘平無毒

別錄曰鼠耳酸無毒

李杲曰佛耳草酸性熱款冬花爲之使宜少食之過則損

目

主治

別錄曰鼠耳主痺寒寒熱止欬

陳日華曰鼠麴調中益氣止洩除痰壓時氣去熱嗽雜米粉作

糗食甜美

李杲曰佛耳治寒嗽及痰除肺中寒大升肺氣

發明

朱震亨曰治寒痰嗽宜用佛耳草熱痰嗽宜用燈籠草

李時珍曰別錄云治寒熱止嗽東垣云

治寒嗽言其標也日華云治熱嗽言其本也大抵寒嗽多是火鬱於內而寒覆於外也按陳氏經驗方云三奇散治一切咳嗽不問久近晝夜無時用佛耳草五十文款冬花二百文熟地黃二兩焙研末每用二錢於爐中燒之以筒吸煙嚥下有涎吐去予家一獲久病此醫治不效偶在阮州得一婢

用此法兩服而愈也

鼠尾部彙考

釋名

蕝爾雅

鼠尾爾雅

陵翹爾雅注


烏草拾遺

水青拾遺

鼠菊農政全書

山陵翹綱目

鼠尾圖



爾雅 釋草

勤鼠尾

注

可以染皂

疏

可以染皂草也一名勤一名鼠尾本草有白華者有赤華者又一名陵翹

陶注云田野甚多人採作滋染皂草是也

徐光啟農政全書 鼠菊考

本草名鼠尾草一名勤一名陵翹出黔州及所在平澤有之今鈞州新鄭岡野間亦有之苗高二三尺葉似菊花葉微小而肥厚又似野艾蒿葉而脆色淡綠莖端作四五穗穗似車前子穗極疎細開五瓣淡粉紫色花又有赤白二色花者黔中者苗如蒿爾雅謂勤鼠尾可以染皂味苦性微寒無毒救饑

採葉燂熟換水浸去苦味再以水淘令淨油鹽調食

本草綱目 鼠尾草釋名

李時珍曰鼠尾以穗形命名爾雅云勤鼠尾也可以染皂故名烏草又曰水青蘇頌圖經謂鼠尾一名陵時者乃陵翹之誤也

集解

別錄曰鼠尾生平澤中四月采葉七月采花陰乾

陶弘景曰田野甚多人采作滋染皂

韓

保昇曰所在下濕地有之惟黔中人采爲藥葉如蒿莖端夏生四五穗穗若車前花有赤白種

陳藏器曰紫花莖葉俱可染皂用

花葉氣味

苦微寒無毒

陳藏器曰平

花葉主治

別錄曰鼠癭寒熱下痢膿血不止白花者主白下赤花者主赤下

李時珍曰主瘡疾水蠱

發明

陶弘景曰古方療痢多用之當濃煮令可丸服之或煎如飴服今人亦用作飲或末服亦得日三服

附方

大腹水蠱方見馬鞭草下

久痢休息時止時作鼠尾草花搗末飲服一錢

聖惠方

下血連年

鼠尾草地榆二兩水二升煮一升頓服二十年者不過再服亦可為末飲服之

反花惡瘡

內生惡肉如飯粒破之血出隨生反出於外鼠尾草根切同豬脂搗傳

聖濟總錄

鳶尾部彙考

釋名

鳶尾 本經

烏圖 本經

烏鳶 綱目

鳶頭 綱目

鳶尾圖



本草綱目 鳶尾釋名

李時珍曰並以形命名烏園當作烏鳶

集解

別錄曰烏鳶生九疑山谷五月采

陶弘景曰方家言是射干苗而主療亦異當別是一種方用

鳶頭當是其根療體相似而本草不題

蘇恭曰此草所在有之人家亦種葉似射干而闊短不

抽長莖花紫碧色根似高良薑皮黃肉白嚼之戟人咽喉與射干全別射干花紅抽莖長根黃有白
韓保昇曰葉名鳶尾根名鳶頭亦謂之鳶根葉似射干布地生黑根似高良薑而節大數個相連九
月十月采根日乾 李時珍曰此卽射干之苗非別一種也肥地者莖長根麤瘠地者莖短根瘦
其花自有數色諸家皆是強分陳延之小品方言東海鳶頭卽由跋者亦訛也東海出之故耳

氣味

苦平有毒

蘇恭曰有小毒

主治

本經曰蟲毒邪氣鬼注諸毒破癰瘰積聚去水下三蟲

別錄曰殺鬼魅療頭眩

附方

飛尸遊蠱著喉中氣欲絕者鳶尾根削去皮納喉中磨病處令血出爲佳

陳藏器本草拾遺

鬼魅邪氣

四物鳶頭散東海鳶頭黃牙卽金牙黃蓉子防葵爲末酒服方寸匕欲令病人見鬼增防葵一分欲

令知鬼又增一分立驗不可多服

陳延之小品方

爵牀部彙考

釋名

爵牀

本經

爵麻

本經

香蘇

別錄

赤眼老母草

爵牀圖

彙考之一



本草綱目 爵牀釋名

李時珍曰爵牀不可解按吳氏本草作爵麻甚通

集解

別錄曰爵牀生漢中川谷及田野

蘇恭曰此草生平澤熟田近道旁似香薷葉長而大或如荏

且細俗名赤眼老母草

李時珍曰原野甚多方莖對節與大葉香薷一樣但香薷搓之氣香而

爵牀搓之不香微臭以此爲別

莖葉氣味

鹹寒無毒

李時珍曰微辛

莖葉主治

本經曰腰脊痛不得措牀俛仰艱難除熱可作浴湯

蘇恭曰療血脹下氣治杖瘡搗汁塗之立

瘥

鵝抱部彙考

釋名

鵝抱

圖經

鵝抱圖

彙考之一



本草綱目 鵝抱集解

蘇頌曰生宜州山林下附石而生作蔓似大豆其根形似萊菔大者如三升器小者如拳二月八日
采根切片陰乾用

氣味

苦寒無毒

主治

蘇頌曰風熱上壅咽喉腫痛及解蠻箭藥毒搗末酒服有效亦消風熱結毒酒摩塗之立愈


雞腸草部彙考

釋名

雞腸草 圖經

雞腸菜 農政全書

雞腸草圖



徐光啟農政全書 雞腸菜考

生南陽府馬鞍山荒野中苗高二尺許莖方色紫其葉對生葉似菱葉樣而無花又似小灰菜葉形樣微圓開粉紅花結盤子萌兒葉味甜

救饑

採苗葉燥熟水淘淨油鹽調食

本草綱目 雞腸草集解

陶弘景曰人家園庭亦有此草小兒取掇汁以搗蜘蛛網至粘可掇蟬 蘇恭曰此卽繁縷也剩

出此條 李時珍曰雞腸生下濕地三月生苗葉似鵝腸而色微深莖帶紫中不空無縷四月有

小莖開五出小紫花結小實中有細子其苗作蔬不如鵝腸故別錄列繁縷于菜部而列此于草部以此故也蘇恭不識疑爲一物誤矣生嚼涎滑故可掇蟬鵝腸生嚼無涎亦自可辨鄭樵通志謂雞腸似蓼而小其味小辛非繁縷者得之又石胡荽亦名雞腸草與此不同

氣味

微辛苦平無毒

甄權曰苦

徐之才曰微寒

主治

別錄曰毒腫止小便利

陶弘景曰療蠅螬濕瘡

甄權曰主遺溺洗手足傷水爛

孟詵

曰五月五日作灰和鹽療一切瘡及風丹遍身痒痛亦可搗封日五六易之作菜食益人去脂膏毒
氣又燒傅瘡膿取汁和蜜服療小兒赤白痢甚良
蘇頌曰研末或燒灰揩齒去宣露

附方

止小便利雞腸草一斤於豆豉汁中煮和米作羹及粥類食之

食醫心鏡

小兒下痢赤白雞腸草搗

汁一合和蜜服甚良

孟詵食療

氣淋脹痛雞腸草三兩石韋去毛一兩每用三錢水一盞煎服

聖濟總錄

風熱牙痛浮腫發熱元藏氣虛小兒疳蝕雞腸草旱蓮草細辛等分爲末每日擦三次名祛痛散

方

發背欲死雞腸草搗傅之

肘后方

反花惡瘡雞腸草研汁拂之或爲末豬脂調擦極效

醫林

正

一切頭瘡雞腸草燒灰和鹽傅之

孟詵食療

漆瘡癢雞腸草搗傅之

肘后方

射工中人

成瘡者以雞腸草搗塗之經日即愈

盧氏方

雞腸草部藝文

與林子中尺牘

宋蘇軾

某啟惠貺二團領意至厚感忤無已所要雞腸草未有生者比有一感爐火人收得少許納去老兄亦有此感故耶邦直耽此極深僕有一方遂爲取去可就問傳取也奇絕奇絕

鴨跖草部彙考

釋名

鴨跖草

拾遺

碧竹子

拾遺

竹雞草

綱目

竹葉菜

綱目

淡竹葉

綱目

耳環菜

綱目

碧蟬花

綱目

藍姑草

綱目

芩雞舌草

拾遺